

海國輿地釋名卷三

湘鄉陳士芭翼謀甫纂

釋非洲各國弟四

埃及一作埃及多 一作厄日度 一作埃及治也 一作埃及亞 一作厄日
一比多 一作厄日度 一作扼入多 一作黑入多 一作
托 一作麥西 一作伊揖 一作伊及

緯線自赤道北二十三度三十分起至三十二度止經線自
京師偏西八十度五十分起至九十二度止北抵地中海南
界努比阿西南接撒哈拉沙漠東臨紅海及蘇彝士河西界
的黎波里南北距約千八百里東西距二千餘里綜計為方
里者四百六十萬其國建於少昊之世為西方最古之國文
物制度燦然可觀唐堯時有非尼西牧人徙入其國國俗因

海國輿地釋名 卷三

一

之而變夏后不降時國分數部有六王旋為伊西比亞女酋
所并伊西比亞即努比阿 阿比西尼阿之總名女酋兼王之商小乙時其王能治

國勢日強北取小亞細亞西略地至歐羅巴窮土木之勝營
宮殿百處西土人至今艷稱之後國復分亂有十二王迭相
雄長而色買的古尤強悍周惠王時色買的古并諸部為一
傳子法老尼哥驕夸喜功嘗謀溝通紅海及地中海水道興
工一年死者十餘萬役旋罷景王二十年波斯王居魯士拓
地暨西遂并埃及顯王三十九年馬基頓王亞歷山德滅波
斯埃及屬焉亞歷山德有將曰多利美拉基者據埃及稱王
聲威頗著嘗藏書七十萬卷於亞歷山德城文學彬彬稱盛
四傳而國始衰漢成帝建始三年羅馬用兵海上埃及降為

臣僕東晉時羅馬分爲二埃及屬東羅馬唐太宗貞觀十四年阿刺伯來攻大掠而去燔亞歷山德城古籍蕩然無一存者由是爲回部占據者七百餘年明代宗景泰中土耳其滅阿刺伯埃及乃屬土耳其嘉慶三年法首領拿破崙時尙未爲王以舟師攻土耳其之馬爾太島遂據埃及七年土耳其以英兵逐法蘭西守者奪還埃及以其將曰墨非麥德阿利者鎮其地阿利能治國興學設教埃及人皆愛戴之益以西法治水陸軍勢蹇張十六年土耳其以埃及封阿利令世世爲外藩道光十九年阿利舉兵叛且侵擾西里亞地土耳其征之不能克會歐洲各國皆遣兵助土耳其阿利懼乃請歸土侵地仍納貢稱藩同治十二年土耳其許埃及與各國互市增

海國輿地釋名 卷三

置兵備埃及至是乃頗能自主光緒四年埃及王患貧求善理財者於英法二國英遣惠爾生往法遣賴塞樸斯卽開蘇彝士河者往於是埃及財賦遂爲英法人所掌七年埃及附屬之蘇丹人作亂英人興師討平之留兵戍其地土耳其甚其侵保埃及之權屢向英廷責言英人詭辭謝之竟不撤戍兵國分二十五部

都城曰改羅一作加義羅 一作喀愛羅 一作開羅 一作該羅 一作開婁 一作塏羅

與首部同名東距蘇彝士河二百餘里

努比阿一作努北阿 一作奴北阿 一作努比噲 一作怒北 一作盧比亞 一作紐必阿 一名南伊及

緯線自赤道北十二度起至二十三度三十分止經線自京師偏西七十八度四十分起至九十三度止北界埃及南界

阿比西尼阿東臨紅海西連撒哈拉沙漠南北距二千三百餘里東西距二千八百五十里綜計爲方里者約六百餘萬古本埃及南境自回部割據後散爲數小部道光二年復歸埃及兼轄

都城曰加東

一作加冬 一作喀杜穆

一作卡通

一作卡二通

一作

在藍河與尼羅河交會處

阿比西尼阿

一作阿比西尼亞

一作阿比西尼

一作阿邁司尼

一作阿

一作阿邁司尼

一作阿八思尼阿

一作亞必治

一作亞比西尼亞

一作亞比西尼亞

一作亞比西尼亞

緯線自赤道北八度起至十六度四十分止經線自京師偏

西七十七度起至八十二度止東北臨紅海西北界努比阿

南界亞然東界亞德西界哥多番南北距千六百五十里東

海國輿地釋名

卷三

西距約千里綜計爲方里者一百一十萬其國自來爲土番

沿革不可攷海國圖志謂卽元史之俱藍國瀛寰志略謂卽

元史之馬八爾皆臆度之詞未足爲據國政由土王自主王

一姓相傳居高山不與外人相接俗好殺掠西人屢至其地

化導之不能變也近時疆域大半爲亞然番族所侵據同治

中嘗與英吉利構兵講和而罷光緒二十二年意大利人來

北境闢地阿比西尼阿不自安興兵擊意人意人深入險地

兵盡覆乃與阿比西尼阿和劃界不相侵擾故至今尙能自

立焉

都城曰公達爾

一作公達 剛荅

一作根達 一名萬邦

一作貢達

一作

與部同名在內地

蘇丹

一作蘇旦 給里西亞

一名尼吉里西

一名尼給里西

一名尼

緯線自赤道北七度起至十六度止經線自京師偏西九十度起至百二十七度止在非洲中央之地北連撒哈拉沙漠東至達夫耳西至塞內岡比亞西南接幾內亞及比亞夫辣番南北距千八百里東西距約七千里綜計為方里者千二百餘萬地分十數部以游牧為俗罕與外人通往來近西人冒險往游頗能言其風土然亦莫能詳也光緒七年蘇丹人作亂英遣兵討平之九年蘇丹復謀亂回教中有人曰馬地者土人推為渠魁英命大將戈登往撫土人羈留之英亟遣大兵救戈登且平蘇亂至加東則戈登已被戕矣戈登者故英名將嘗助中國擊髮逆克復蘇常戈登與有力焉

海國輿地釋名

卷三

四

達夫耳

一作達爾夫耳

一作達夫阿

一作他弗

緯線自赤道北九度起至十六度止經線自京師偏西八十九度起至九十四度止北界努比阿西北接撒哈拉沙漠東連哥多番西界蘇丹南北距千四百餘里東西距千餘里國本回部有土王世代相傳每歲土王率其部酋躬耕以勸農事頗有古樸之風光緒初年埃及嘗役屬之

都城曰爾發捨耳

一作爾發捨

一作爾發舍耳

一作發

在國之東北境

哥多番

一作哥爾多番 作考耳朵番

一作科多番

一作葛耳多番

緯線自赤道北十二度起至十六度止經線自京師偏西八十四度三十分起至八十九度止北與東皆界努比阿西接

達夫耳縱橫各約九百餘里民皆土番諸酋分治道光初年
埃及嘗役屬之近英人來其地關置商埠暫臻繁盛

都城曰哥卑德一作疴卑德 一作厄耳疴卑特 一作愛耳俄

在國之南境

撒哈拉沙漠

一作沙海拉 一作撒海而拉 一作薩哈刺 一名麻木爾釐

緯線自赤道北十七度起至三十度止經線自京師偏西九

十三度起至百二十四度止北連巴巴利一作巴巴黎即北境四國之總名

南接蘇丹及塞內岡比亞東至埃及努比阿西抵大西洋南

北距二千七百里東西距八千五百里綜計為方里者約二

千萬民以游牧為生居徙靡常近歐洲人來內地建埠通商

凡十餘處

海國輿地釋名

卷三

五

的黎波里

一作的黎布利 一作的黎不里 一作特釐波里 一作特利破里 一作特力波里

波利一作特波利 一作直波里 一作禮卑釐 一作德利

緯線自赤道北二十五度起至三十三度止經線自京師偏

西九十三度起至百有六度止北抵地中海南接撒哈拉沙

漠東界埃及西界突尼斯南北距千六百餘里東西距二千

五百餘里綜計為方里二百二十餘萬其國本回部好劫掠

舊屬土耳其有土王世代相傳

都城同國名北臨地中海

突尼斯

一作都尼斯 一作吐尼司 一作吐尼士 一作吐逆斯 一作的尼斯 一作度尼斯 一作土匿 一作都利士 一名弗沙 一名弗撒

緯線自赤道北三十二度起至三十七度止經線自京師偏

西百有六度起至百八度三十分止北與東環地中海東南
界的黎波里西界阿爾欺里亞南北距千三百里東西距四
百八十里綜計爲方里者七十萬四千有奇俗安貿易爲回
部善國唐時屬阿刺伯明神宗萬歷間改屬土耳其其光緒七
年法蘭西以兵攻取之

都城同國名在國之極東北境臨地中海

阿爾欺里亞一作阿爾及耳 一作阿耳及里亞 一作阿耳及里阿 一作愛耳基力歐 一作阿而畿里亞

一作亞爾日耳 一作亞耳惹耳 一作阿爾及列 一作亞爾斯 一作阿爾尼阿 一作阿爾尼 一作亞爾

日 一作阿利額 一作亞勒尖 一作雅里積 一作押額 一作阿勒支利亞 一作阿勒支耳 一作阿爾希耳

一作阿勒希野 一名盧彌尼阿 一名奴米第亞 一名奴米低亞

緯線自赤道北三十度起至三十六度四十分止經線自京

海國輿地釋名 卷三

師偏西百有七度起至百十九度止北抵地中海南接撒哈
拉沙漠東界突尼斯西界摩洛哥南北距千三百五十里東
西距二千四百里綜計爲方里者百九十萬其建國最早漢
武帝時其王嘗助羅馬攻滅加爾達額王死三子爭國互相
殘殺羅馬以兵討定之迨羅馬衰復爲阿刺伯回部所據明
時土耳其以兵強服海南諸國遂屬於土耳其然回民多失
業習爲海盜往來地中海者皆患之英吉利法蘭西美利堅
嘗合兵痛勦之回族稍稍斂迹已而復劫掠如故道光九年
法人以大兵討之疆圉其地分置三省駐大兵帥總制之
首城同國名北臨地中海

摩洛哥一作摩羅果 一作摩老科 一作馬邏可 一作馬落可

一作馬六果 一作馬鹿 一名紅帽回回

緯線自赤道北二十七度起至三十六度止經線自京師偏西百十四度二十分起至二十八度三十分止北抵直布羅陀海峽南接撒哈拉沙漠東界阿爾欺里亞西抵大西洋南北距千八百里東西距二千七百餘里綜計為方里者百四十九萬三千舊屬阿刺伯明時土耳其其強盛地中海南岸諸國囊括無遺獨摩洛哥以寫遠獲免順治七年遂立國稱王至今尙能自主國制與土耳其同王位世及唯擇族人之年長者立之不定傳子

都城同國名在內地

塞內岡比亞

一作塞內岡比 一作色黎安彌阿 一作先尼岡比阿 一作森伊干比亞 一作賽尼軋母比

海國輿地釋名

卷三

七

阿 一作監別亞

緯線自赤道北九度起至十七度四十分止經線自京師偏西百二十七度起至百三十四度三十分止北接撒哈拉沙漠南界里比利亞東界蘇丹西抵大西洋南北距千七百餘里東西距千五百里綜計為方里者百八十萬地近赤道炎熱多瘴癘其濱海沃腴之地皆為英吉利法蘭西葡萄牙三國所分占內地分二十小部其酋或世傳或公舉不相統攝土番黑面拳毛蠢駮無知商舶往來販鬻如貨羊豕咸同間英人始倡義禁止之英人商埠在岡比河口曰巴里得斯計五百四十九方里英得之於明萬曆十六年 葡人商埠在來疴蘭河口曰比撒塞內加河口有三島曰魯義斯曰哥里曰烏阿羅皆為法人所

據建商埠置礮臺并駐兵帥治之

幾內亞

一作西爾得 一作西羈得 一作吸爾 一作句尼
阿 一作上幾內亞 一作上基尼 一作上堅尼
一作上吉尼阿

緯線自赤道北四度三十分起至十度止經線自京師偏西百有六度起至百二十一度止北接蘇丹南抵幾內亞海灣東南界比亞夫辣番西界里比利亞南北距千二百里東西距約三千里綜計為方里者二百餘萬北境大山綿亘南境濱海卑溼多瘴癘且近赤道入夏驕陽亢旱行旅往往暈死地分數十部不相統轄居民皆黑番惟以掠賣人口為業亦為英人所禁制其迤西近海地為英法荷蘭葡萄牙各國所分據列屢置埠商務頗盛

海國輿地釋名

卷三

八

里比利亞

一作里卑利亞 一作來比利亞
一作來比里 一作賴比里阿 一作里皮利亞
一作奔尼 一名亦尼 一名危尼 一作臘比利亞

緯線自赤道北四度三十分起至九度十分止經線自京師偏西百二十一度起至百二十九度二十分止北負公山西北界塞內岡比亞南及西南環大西洋東界幾內亞之亞山的南北廣處不過三百餘里自西北至東南相距約千八百里綜計為方里者約八十萬地本美利堅人所闢美人贖釋黑奴居此耕作久豐繁庶咸豐十一年美許其自立為民主國條教法度皆用美制

都城曰蒙羅維阿

一作蒙拉維 一作孟老斐阿 一作孟陸維亞 一作門羅斐亞

西臨海口

比亞夫辣番 一作比阿夫辣

北界幾內亞東北接蘇丹南界公額西抵大西洋人皆土番不成部落

公額 一作公我 一作公峨 一作工鄂 一作孔戈 一作剛果 一作工哥 一作康哥 一作康固 一作寬果 一作岡勾 一名下幾內亞 一名下基尼 一名下堅尼 一名下吉尼阿 一名南幾內亞 一名薩伊阿

緯線自赤道南四十分起至十七度止經線自京師偏西九十六度三十分起至百有六度止北接比亞夫辣番南界合丁突東南近馬可羅羅西抵大西洋南北距三千三百里東西距約二千里綜計為方里者約三百餘萬地當赤道之南炎歎與幾內亞同黑番土俗亦相類部落甚多羣酋分據內有葡萄牙屬地二區比利時屬地一區近時德法二國人頗

海國輿地釋名 卷三

侵占葡屬濱海之地建設商埠北屬德南屬法

德 一作亞德爾 一作亞占 一作阿匿爾 一名索謀利 一名索麻利 一名索毛利 一名梭毛利 一名梭茅利 一名安馬利 一名康毛利

緯線自赤道北三度起至十一度四十分止經線自京師偏西六十六度五十分起至七十四度止北臨亞丁海灣西北接亞發土部西南界亞然東及東南環印度洋縱橫各約千八百餘里居民皆土番奉回教部落甚多羣酋分攝近法蘭西以兵力強服之 亞發舊籍無可攷或云本阿比西尼阿屬部近已自為部落

首城曰西臘 一作西拉 一作賽拉

東臨亞丁海灣貿易頗盛嘗為阿比西尼阿所奪近英人復來據之

亞然

一作阿桑 一作阿匿 一名牙爾臘 一名牙臘 一名嘎拉士 一名哥拉士 一名然貴巴 一名鄂馬

緯線自赤道北十分起至八度止經線自京師偏西七十四度起至八十四度止北界亞德及阿比西尼阿南界桑給巴東臨印度洋西抵尼羅河源縱橫各約二千里阿刺伯人多來海濱互市商貨頗盛內地皆黑番殘忍好殺近年屢北侵阿比西尼阿獲地甚廣分十數部不相統轄

桑給巴

一作桑給巴爾 一作桑給罷 一作山維麻 一作散西巴 一作暫齊罷 一作桑革巴 一作生西巴

緯線自赤道南十分起至十度止經線自京師偏西七十五度起至八十二度止北界亞然南界莫三鼻東臨印度洋西阻刻力曼札羅山南北距千八百餘里東西距千餘里綜計

海國輿地釋名

卷三

十

為方里者約二百萬其王裔或傳出自中國唐末自阿刺伯轉徙至此遂自立國舊以略賣黑奴為俗咸豐五年英人與其王立約通商並嚴申黑奴之禁

莫三鼻

一作莫三鼻給 一作莫山比給 一作莫桑比給 一作摩散比 一作摩散母比克 一作摩新彌葵 一作摩新彌葵 一作摩散比革 一作磨山密 一作莫三鼻克

緯線自赤道南十度起至十七度四十分止經線自京師偏西七十六度四十分起至八十三度三十分止北界桑給巴南界索發拉東臨海峽西界盧巴達山南北距千五百里東西距千四百餘里綜計為方里者二百五十萬本黑番回部落零雜諸酋分攝內多葡萄牙人所闢之地葡人販賣黑奴居為奇貨英吉利常以兵力禁制之

索發拉

作索法拉 一作索法刺 一作蘇華臘 一作所服刺 一作梭發拉

緯線自赤道南十五度三十分起至二十五度止經線自京師偏西八十一度三十分起至八十七度止北抵三比西河與莫三鼻為界東與南環印度洋西界馬塔卑力蘭及脫蘭士甫爾南北距千八百餘里東西距廣處約千里狹處四五百里不等綜計為方里者百六十萬舊為黑番大部有番王統治明時葡萄牙人強以兵脅服之於海口建埠通商近商務已衰歇矣

合丁突

一作合丁多 一作痾丁多的亞 一作可丁多的亞 一作科丁多的 一作和鼎圖 一作和鼎突 一作赫盾德

緯線自赤道南十七度起至二十九度止經線自京師偏西

海國輿地釋名

卷三

九十六度起至百四度三十分止北界公額南界奧凌資河東連加刺哈里沙漠西抵大西洋南北距二千四百里東西距約千六百餘里地分三部以游牧劫掠為俗各有酋長不相統攝近年德意志人闢地至此強以兵力鈐制之

脫蘭士甫爾

一作德蘭士瓦 一作特蘭斯仆耳 一作特蘭斯法爾 一作達耶斯襪耳 一作德蘭斯法勒 一作突蘭斯維耳 一作吐耶斯注耳

緯線自赤道南二十二度二十分起至二十八度止經線自京師偏西八十四度五十分起至九十一度止北界馬塔卑力蘭南界奧凌資東界蘇盧西界伯楚阿那南北距千一百餘里東西距千二百里綜計為方里者七十七萬九千六百其地本荷蘭人所闢英人襲取之後立為民主國為英外藩

光緒二十一年英墾地公司與脫人有違言英弁哲美森遽舉兵擊之爲脫人所敗英廷下哲美森於獄而與脫人議和由是脫人咸思絕英自立二十五年英商人與脫人交鬪脫廷囚英人遂起兵叛英據險自守英命將往討不勝乃發大兵征之破其都城脫人逐水草遠徙英進兵追擊斬殺無算然脫人終無降意相持累年至今未能定也

奧凌資

一作奧蘭茨

一作荷蘭日

一作俄蘭支

一作敖忍治 一作阿倫支

緯線自赤道南二十七度起至三十度五十分止經線自京師偏西八十七度起至九十二度止北界脫蘭士甫爾南界岌朴哥羅尼東界夸蘭巴山及巴蘇拖蘭西界伯楚阿那南北距七百餘里東西距約千里綜計爲方里者四十萬本荷

海國輿地釋名

卷三

十三

蘭種人道光十八年避英害徙於奧凌資河遂創立爲自主之國脫蘭士甫爾叛英奧凌資起兵助之後并爲英人所滅都城曰白魯母方定

一作伯方頂

一作不路母豐臙

一作勃隆奉天

蘇盧

一作蘇盧蘭

一作蘇路蘭

一作蘇路

一作蘇魯

緯線自赤道南二十二度二十分起至二十八度五十分止經線自京師偏西八十四度起至八十六度三十分止北界索發拉南界那達爾東臨印度洋西界脫蘭士甫爾南北距千三百里東西距不過二百餘里綜計爲方里者六十萬國以游牧爲俗有大酋治事而聽命於英吉利光緒五年英人興師伐之執其酋歸旣而釋之

那達爾

一作那塔爾

一作那塔耳

一作那達勒

一作那塔臘 一作奈塔勒

緯線自赤道南二十八度起至三十一度五分止經線自京師偏西八十五度二十分起至八十度止北界蘇盧及脫蘭士甫爾南界加弗勒里亞東臨印度洋西阻夸蘭巴山鄰接奧凌資南北距六百餘里東西距五百餘里綜計為方里者十六萬八千七百五十明孝宗宏治十年葡萄牙人瓦哥士得加墨覓得其地至道光二十三年歸於英隸炭朴哥羅尼大兵帥咸豐六年英復置兵帥專領之

首城曰波那達爾 一作坡特那達耳 一名彼得馬利堡

海口曰度耳班 一作特辦 一作兜奔

加弗勒里亞 一作加弗勒里 一作加弗勒利 一作加勿拉

加付臘釐阿 一作加富臘釐阿 一作加富騰里 一作

嘎弗雷利亞 一作喀埔喇里亞 一作喀乏拉里阿 一作

海國輿地釋名

卷三

緯線自赤道南三十度四十分起至三十三度五十五分止經線自京師偏西八十七度五分起至九十度止東北界那達爾西北阻夸蘭巴山西南界炭朴哥羅尼東及東南環印度洋西界巴蘇拖蘭南北距六百餘里東西距四百餘里綜計為方里者十一萬三千六百四十三居民各分部落部各有長同治三年英取其地隸於炭朴哥羅尼大兵帥

首城曰巴瑪敦 一作帕馬頓

東臨印度洋

巴蘇拖蘭 一作白蘇土蘭 一作巴素頭蘭 一作白蘇圖

緯線自赤道南三十度三十分起至三十一度四十分止經線自京師偏西八十九度起至九十度四十五分止西北抵

奧凌資河東南阻夸蘭巴山西南界炭朴哥羅尼南北距二百三十里東西距三百餘里綜計爲方里者七萬二千三百同治十年英取其地設長官駐此隸於炭朴哥羅尼大兵帥炭朴哥羅尼一作革伯哥羅尼 一作炭阿穩易朴 一作開勃考老尼 一作炭朴 一作加不 一作開勃 一作急卜碌 一作古德候堡 一作考老尼 一作果羅里其極南入海地名好望角一作開勃惡甫過德火溪 一名大浪山 一名兀賀峽 一名阿付丹北司峽 一名考老尼角

海國輿地釋名

卷三

西

緯線自赤道南二十八度五十分起至三十四度五十分止經線自京師偏西九十度起至九十九度五十五分止北抵奧凌資河東界巴蘇拖蘭及加弗勒里亞東南抵印度洋西及西南環大西洋南北距千有四十里東西距二千里綜計爲方里者百八十萬明憲宗成化二十二年葡萄牙人伯爾索來美始覓得其地後三百餘年丹英人來分據之至嘉慶二十年始盡歸於英分置六十五邑駐大兵帥總制之首城曰炭朴敦一作革伯盾 一作炭當

西南臨大西洋海口

麼羅瓦一作麼諾麼達巴 一作麼諾達巴 一作馬拿莫大巴 一作莫訥木大彼亞 一作摩奴摩塔帕 一作烏魯阿 一作莫盧阿 一作馬路魯司 一作烏干達

在赤道南七八度之間莫三鼻之西北其東爲坦干伊喀湖南卽馬可羅羅瀛寰志略謂摩諾摩達巴在莫三鼻之西南甚誤地理全志承其誤謂摩諾摩達巴卽索發拉尤謬

馬可羅羅

一作麻科羅羅 一作瑪哥羅羅

在麼羅瓦之南三北西河之北西境大山橫亘踰山即為公額界地

馬塔卑力蘭 一作馬塔卑力

緯線自赤道南十五度三十分起至二十二度二十分止經線自京師偏西八十四度十分起至九十度五十分止北抵三比西河南界脫蘭士甫爾東界索發拉西界伯楚阿那其地縱橫各約千餘里

伯楚阿那 一作不書阿那 一作磨舒阿那 一作莫舒阿那 一作布書阿那 一作彌珠阿那 一作比朱亞那 一作備朱阿那

在非洲南境適中之地北抵三比西河南接格里夸蘭東界馬塔卑力蘭及脫蘭士甫爾西連加刺哈里沙漠縱約千餘

海國輿地釋名 卷三

里橫半之居民皆土番

屬城一曰庫盧曼 一作庫魯曼 一作古魯曼

一曰哥羅賓 一作可羅榜 一作哥洛浜 一作科羅本

格里夸蘭 一作克利加蘭 一作格里跨蘭 一作格黎訶蘭

緯線自赤道南二十七度三十分起至二十九度二十分止經線自京師偏西九十一度三十五分起至九十四度三十分止南北距四百里東西距六百餘里綜計為方里者十四萬九千六百七十同治十年英人取其地設官治之

加刺哈里沙漠 一作卡拉哈利 一作喀拉海力 一作喀喇

在伯楚阿那合丁突之間其南為奧凌資河

馬達加斯加 一作馬達加斯加爾 一作馬狎甲 一作馬大押甲 一作馬達加葛 一作馬那亞司加大

一作馬利加時架 一作馬達加斯架 一作馬他牙士里
格 一作墨勒阿士喀 一作馬特加斯格 一作馬達格
斯嘎 一作抹達軋斯喀 一作麥達加斯格 一作瑪達嘎
一名聖老佐楞

緯線自赤道南十二度起至二十五度十五分止經線自京
師偏西六十七度起至七十三度止南北距二千七百里東
西距千餘里綜計為方里者二百二十萬本印度洋大島坵
近非洲之莫三鼻中隔海峽相距約六七百里自古為獨立
之國王位歷代相傳政由君出居民皆黑番奉回教明武宗
正德五年葡萄牙人來建城堡於海濱生聚蹙蕃後為荷蘭
人所奪旋棄之去乾隆五十五年法蘭西人卡約斯加來島
之東岸謀據地土人羣起抗之乃止嘉慶九年英人始與其
王立約建商埠王名拉達馬有權智略定全島地分為二十

海國輿地釋名 卷三

夫

八部設學興教更定兵制頗以西法部署之尋王妃有淫行
弒王自立禁封海港盡逐歐洲教徒之在島者法英合兵擊
之不勝而退女王死外國船仍來往如故光緒九年法人以
兵來攻十一年與法議和以六海口之稅奉法法遂置領事
駐兵防守之然國事尙島王自主法人不過問也

都城曰達那那里窩 一作達安阿里窩 一作塔那那里窩

在內地

釋北美洲各國第五

美利堅 一作米利堅 一作彌利堅 一作美理哥 一作美
利哥 一作啐哩干 一名合眾國 一名攝邦國
一名奈育士迭 一名聯邦 一名花旗國

緯線自赤道北二十四度三十分起至四十九度止經線自

京師偏東百二十度起至百七十八度止北界英屬加拿他南抵墨西哥海灣西南界墨西哥東抵大西洋西抵太平洋南北距五千里東西距萬一千六百里綜計爲方里者三千二百萬有三千八百四十其地舊皆野番散居明世宗嘉靖中英吉利人航海至此驅逐番族覓徙國人實之尋法蘭西奧地利亞丹馬荷蘭瑞典西班牙諸國人相率西來據地開墾遂成沃壤英人乃擇地建城設官駐守權其歲入以益國用數百年來倚爲外府乾隆中英與法人爭地構兵累年百計括饒橫征苛斂美利堅人不能堪三十九年美人叛英會議於費拉地費城屬濱西注尼推華盛頓爲大帥華盛頓者勿爾吉尼阿人生於雍正九年少有大志智勇過人嘗率兵助英

海國輿地釋名

卷三

七

擊滅南境土番英人沒其功不錄頓遂謝病歸至是領眾攻

波士頓城

屬麻薩朱色

不利眾少卻頓以義氣激厲將士復進兵

攻克之於是條列英人罪狀十二端布告各國建國號曰合眾英人起傾國之師來討頓率諸部迎敵血戰八年屢躓屢振志氣不少衰四十七年法蘭西西班牙連兵攻英荷蘭亦數出兵要擊英人於海上英三面受敵而頓執愈張英人自念老師糜饒終不能勝頓乃與頓盟畫界分疆聽其自立頓既定國諸部議上尊號頓持不可乃創爲民主之制抑君權置國會自稱曰伯理璽天德伯理璽天德者猶言大首領也由國會推立四年一易再任復四年任滿不得再舉永著爲例諸部各置首領其制亦如之而皆聽命於伯理璽天德國

有大事則國會集國人議之請於伯理璽天德然後施行頓
在位專務休息且與諸部約毋暴虐小民毋自相爭殺有不
如約者共伐之故國內承平者六十餘年至咸豐十一年乃
有南北爭黑奴之戰先是英人常自非洲販賣黑奴至美主
者役之如牛豕南部人尤虐待之北部下令嚴禁并及南部
南人不從爭鬪不已及林肯北部人為伯理璽天德禁之益急
南人不用命遂舉兵反據里支門屬勿爾吉尼阿為偽都鏖戰連年
舉國震動然南部執弱終不敵北部至同治四年南部平亂
始定美人嘗自謂在大地別為一世界不欲佳兵勤遠略然
年來屢與西班牙構爭奪小呂宋島并及古巴雖未能得志
固未嘗一日忘也近復與日本爭三德維支島竟強取為藩

海國輿地釋名 卷三

屬蓋已寢寢變其舊局矣舊分諸部為十三邦嘉慶二十四
年增置五邦道光二十八年增分二十六邦三部光緒元年
增至三十七邦後哥羅拉多亦升為邦凡為邦三十八屬八
部落二

都城曰華盛頓 一作華興頓 一作瓦升盾

隸哥倫米阿

墨西哥 一作墨西哥 一作墨是西 一作默西可 一作墨
西果 一作美詩哥 一作美希哥 一作墨息哥
一作麥西哥 一作麥悉哥 一作米基斯哥

緯線自赤道北十五度三十分起至三十二度三十分止經
線自京師偏東百三十度起至百四十七度四十分止北及
東北界美利堅南界危地馬拉東環墨西哥海灣西抵太平

洋西北別有一土曰下加里福尼阿如人臂掉入海中與美屬之加里福尼阿南境毘連自西北至東南相距四千五百里東西距廣處千六百餘里狹處或四五百里不等綜計爲方里者五百有四萬一千四百其國在美洲創建最早唐太宗時有亞洲人遷居其地馭制土番導以文物制度風俗爲之不變國內有廢城極大相傳爲千餘年遺蹟明武宗正德十六年西班牙人以兵滅之據其地國內山多產金商舶麕至攻礦之廠常數千區西班牙以此驟富乾隆季年美人華盛頓崛起北方墨西哥人聞而慕之嘉慶十一年墨人推美蘭達爲酋長起兵叛西班牙西班牙征之累年始服十九年墨人又叛而自立推大將依多毘德爲王尋廢之效美利堅

國制設共和政府然其國多內亂廢弑頻仍道光九年北部德沙叛墨人擊之不能克遂聽其自立二十九年墨人復擊德沙德沙降於美利堅墨人與美人戰敗績割加里福尼阿及北境地以講同治元年首領蘇亞勒士性苛察專務壓制外人於是英法西班牙皆以兵艦來問罪墨人懼乞和法人乘勢進攻其都城拔之蘇勒亞士出奔法人遂廢共和政府立奧斯馬加王族馬西密鄰爲王越三年墨西哥共和黨突起逐馬西密鄰旋執而殺之蘇勒亞士復歸爲首領悉捕誅前之叛已者自是變亂相尋至同光間始稍安而國勢則已積弱不振矣

都城同國名建臨河上

危地馬拉

一作瓜的馬拉 一作瓜地馬拉 一作危的麻喇 一作瓜達麻 一作瓜第瑪拉 一作告提抹辣 一作瓜地麻拉

北及西北皆界于加單南界三薩瓦多東南接閩都拉斯東界英屬閩都拉斯及加力比安海西南抵太平洋南北距約千里東西距四百餘里綜計為方里者二十萬有二千四百八十

都城同國名在內地 一名新危地馬拉

閩都拉斯

一作閩都拉斯 一作杭度拉斯 一作洪都拉斯 一作閩都拉士 一作很度拉斯 一作亨都來司 一作亨都拉斯 一作歡都

北及東北環加力比安海南及東南界尼加拉瓜西南界三薩瓦多西界危地馬拉南北距四百五十里東西距千二百

海國輿地釋名

卷三

字

里綜計為方里者二十五萬六千四百

都城曰哥麻牙瓜

一作哥麻牙卦 一作哥馬雅瓜 一作科麻夸

在內地

三薩瓦多

一作三薩耳瓦多 一作桑薩爾瓦多耳 一作桑撒爾瓦多耳 一作聖薩發道 一作山薩弗道 一作散撒勒法多 一作薩拉瓦多爾

北及東界閩都拉斯南抵太平洋西北接危地馬拉南北距百五十里東西距七百餘里綜計為方里者六萬六千九百

六十

都城同國名近海

尼加拉瓜

一作尼嘎阿格 一作尼加拉危 一作尼喀拉瓜 一作呢加拉乖 一作尼曼拉挂 一作尼曼阿格 一作逆喀拉夸 一作尼格拉古

北及西北界閩都拉斯南界哥斯德里加東抵加力比安海西南抵太平洋地形如三角縱橫各約千餘里綜計爲方里者三十三萬九千五百

都城曰馬那瓜 一作滿拿瓜 一作麻那夸

建於馬那瓜湖西岸

屬城二 一曰加拉那大 一作格蘭拿大

濱尼加拉湖貿易繁盛

一曰利安 一作雷恩

在馬那瓜湖西北

哥斯德里加

一作哥斯德爾黎加 一作哥斯德爾尼加 一作哥斯特黎加 一作考斯塔里嗎 一作科士他力喀 一作關斯達立嘎 一作革斯達利嘎 一作可斯卡爾黎加

海國輿地釋名 卷三

三

北界尼加拉瓜東北抵加力比安海東南抵巴拿馬頸西南抵太平洋自西北至東南相距七百五十里東西距三百餘里綜計爲方里者十八萬二千二百八十

都城曰三若西 一作三和塞 一作桑若塞 一作散何塞 一作散貨色 一作聖綽賽

在內地建於山谷之中

案上五國舊本一地居美洲南北之中故亦稱曰中亞美利加緯線自赤道北八度起至十七度止經線自京師偏東百四十七度起至百五十七度三十分止地形屈曲而長削安達斯大山自北來通貫如脊種族風俗與墨西哥略同始屬西班牙後叛附於墨西哥道光四年乃分立爲民主之國

英屬閩都拉斯 名詳上

緯線自赤道北十五度四十分起至十八度三十分止經線
自京師偏東百五十六度起至百五十七度四十分止西北
界于加單西南界危地馬拉南接閩都拉斯東抵加力比安
海南北距四百七十里東西距百八十里綜計爲方里者五
萬二千九百三十舊屬西班牙嘉慶間英人奪之設兵駐守
同治元年置副兵帥屬牙賣加島大兵帥兼轄光緒十年復
置大兵帥專治之

首城曰百里斯

一作百黎士

一作比釐斯

一作巴利斯

東臨加力比安海

英屬加拿他

一作加那大

一作喀那達

一作喀訥塔

一作

堪那大

一作間拿達

一作坎拿大

一作堪納達

一作

海國輿地釋名

卷三

三

緯線自赤道北四十五度起至七十八度止經線自京師偏
東百有十度起至百九十七度止北至北冰洋西北界美屬
之阿拉斯加南界美利堅東抵大西洋西抵太平洋南北距
六千六百里東西距萬四千餘里綜計爲方里者三千四百
五十七萬有奇大於英吉利本國約三十倍其地自古不通
別土明時歐羅巴人探地至此聚居開墾來者斃眾而法蘭
西人所闢之地尤多英吉利既定美利堅地乃移兵侵略北
境與法人戰爭累年竟奪而有之乾隆末美利堅叛英自立
與英分疆而治凡南境膏腴之地皆歸於美英所得者不過
荒寒瘠壤而已然英人故重視之孳孳經營日臻繁庶合諸
島分爲八省迤北冰海之地皆隸屬之其建官行政大略與

東方之印度同置大兵帥一駐安大利疴省總制全部餘省各置副兵帥分領之

首城曰阿達瓦 一作俄達瓦 一作鄂答瓦 一作鄂塔威

溫

隸安大利疴省建臨阿達瓦河南岸爲大兵帥治事之所

古巴

一作固巴 一作苦伯 一作庫友 一名費那顛那 一名散地亞古 一名亞非馬利 一名求李

緯線自赤道北十九度五十分起至二十三度十分止經線自京師偏東百六十四度四十分起至百七十四度十分止島形如偃刀橫亘加力比安海中迤北稍東與美屬之佛羅里達相直東南與牙賣加島相直極東與海地島隔一海峽相距不過百八十餘里極西與墨屬之于加單相直南北距

海國輿地釋名

卷三

三

廣處三百六十餘里狹或不足百里東西距二千二百五十里綜計爲方里者二十九萬九千八百六十明孝宗宏治四年西班牙遣其臣哥倫波探新地得此島斃徙國人實之既又自非洲掠販黑奴來島督之耕作歲以一二萬人至生齒斃蕃世宗嘉靖十六年法蘭西人來攻三十二年法人復來攻取之尋復爲海盜所據乾隆二十六年英人以兵攻奪之年餘棄去復屬西班牙嘉慶二十二年始與各國通商同光間西班牙旣盡亡其屬地乃壹意經營此島分置六省設官治之光緒十七年西班牙復并古巴六省爲中東西三省省置兵帥一更置大兵帥總制之然西官多暴虐島人不能堪二十三年島人起兵叛西班牙西班牙討之不克美利堅復

以兵來爭西班牙知不敵乃聽古巴立為自主之國

都城曰哈萬拿

一作合瓦那 一作哈瓦那 一作夏瓦那 一作夏灣拿 一作曷番訥 一作阿法

那 一作海佛那

北臨海口

海地

一作海提 一作海低 一作海的 一作海帶 一作阿依底 一作義斯巴尼約拉 一作亥第

與三多明哥合居一島地形槎枒在古巴之東稍南緯線自赤道北十七度四十分起至二十度止經線自京師偏東百七十三度五十五分起至百七十九度五十分止南北距中央五百餘里極東極西長不過百餘里東西距千二百二十里東為海地所占地為方里者七萬一千四百二十一西為三多明各所占地為方里者十二萬六千二百九十五明時

海國輿地釋名

卷三

十四

西班牙人探地西來獲此島據其東偏既而法蘭西人復來據島之西偏歲市黑奴以供耕墾久蹙蕃衍黑人至四十萬口而法人僅萬餘法待黑人寡恩黑人蹙不用命乾隆五十六年黑人乘法有內亂殺其守者以叛法不能討於是西黑人推立酋長建為海地西部東黑人乘機煽起逐西班牙人亦自建一部曰三多明哥與海地時有戰爭今並立為民主之國

都城曰波德比鄰

一作波爾德比 一作波委比林士 一作波爾德比零塞 一作撥倒奔斯

名京港

西臨海灣

三多明各

一作三多明各斯 一作三都明谷斯 一作桑多明各 一作桑都名額斯 一作生度明古 一作

生度明哥 一作聖多明哥 一作聖朵明果 一作山度明哥 一作散道明古 一名都民尼加 一名多米呢喀 一名兜米尼

都城同國名南臨海港

釋南美洲各國第六

新加拉那大

一作金加西蠟 一作新額那地 一作新格倫那大 一作新格刺納達 一作經格倫那大

一作紐克來乃荅 一名哥倫比亞 一名科隆比阿 一名克倫比亞 一名科倫比亞 一名科倫比亞 一名科倫比亞 一名科倫比亞

比亞 一名勾倫畢

緯線自赤道南二十分起至十一度五十分止經線自京師

偏東百六十五度四十分起至百七十五度三十五分止北

抵加力比安海南界厄瓜多東南界巴西東及東北界委內

瑞辣西抵太平洋南北距二千三百餘里東西距二千里綜

海國輿地釋名

卷三

壹

計為方里者三百有二萬四千二百一十明孝宗宏治間西

班牙遣哥倫波探新地先得此土及厄瓜多委內瑞辣建三

部設官領之嘉慶十五年部人作亂逐西班牙守吏搆兵八

年西班牙不能克遂并立為可倫比亞國道光八年仍舊部

分為三國國制皆如民主

都城曰波哥大

一作波哥塔 一作波哥達 一作保固他 一作薄穀他 一作巴我他

隸公的那馬加部

厄瓜多

一作厄瓜爾多 一作義奎多耳 一作唵蒯道 一作哀瓜多 一作愛乖度 一作哀瓜朵耳

緯線自赤道北一度十分起至南四度止經線自京師偏東

百六十三度三十五分起至百七十四度五分止北界新加

拉那大南界祕魯東界巴西西抵太平洋南北距六百里東

西距二千一百里綜計爲方里者百五十三萬三千八百八十八

都城曰基多一作基都 一作啟拖 一作計都 一作計多

隸比申沙部建於山頂

委內瑞辣

一作委內瑞拉 一作威內瑞拉 一作威尼蘇拉 一作委尼瑞辣 一作非尼蘇意拉 一作文尼

俞意拉 一作維呢蘇拉 一作分額兌拉 一作番乃賽拉

緯線自赤道北一度四十分起至十二度止經線自京師偏東百七十二度起至百八十五度止北抵加力比安海南界巴西東界瓜阿那西界新加拉那大南北距二千餘里東西距二千四百里綜計爲方里者二百五十七萬七千六百四十

海國輿地釋名

卷三

三

都城曰加拉架

一作喀拉加士 一作加拉甲 一作加拉架斯 一作嘎拉嘎斯

與首部同名建於山谷之中

瓜阿那

一作古牙那 一作歪阿那 一作器阿納 一作器亞那 一作基阿那 一作基晏拿 一作吉亞那 一作圭亞那 一作危亞那 一名菟業 一名貝的司構

緯線自赤道北二度四十分起至八度十五分止經線自京師偏東百八十四度起至百有九十三度二十分止北及東北環大西洋南及東南西南界巴西西界委內瑞辣南北距英境千六百里荷境八百里法境七百餘里東西距三千里綜計爲方里者百六十萬其地爲英吉利荷蘭法蘭西三國人所共關東屬法西屬英中央屬荷各置官吏駐守

英曰佐治當

一作若日登 一作若爾日唐 一作杏治當 一作若爾日 一作交治湯 一作基奧耳

止登

占地最廣約為方里者七十七萬內有數地係於嘉慶間

奪自荷蘭近遣大兵帥專治之

荷蘭曰巴刺馬利波

一作巴拉馬利波美

一作巴拉馬利破

布 一名蘇利南 一名蘇里囊

占地約三分之一

法曰開延

一作加延 加夜拉

一作喀愛恩

一作開安

一作貴雁

占地約四分之一

巴西

一作巴悉 一作布熱爾

一作伯爾西

一作白來齊耳

一作巴拉西利

一作被西

緯線自赤道北五度十分起至南三十三度十分止經線自

海國輿地釋名

卷三

七

京師偏東百七十三度十五分起至二百有九度十分止北

界瓜阿那委內瑞辣新加拉那大西北界厄瓜多西境北自

祕魯界起南至拉巴拉他界止曲抱玻利非亞巴拉圭西界

西南抵烏拉圭東及東北東南環大西洋南北距七千六百

餘里東西距七千二百里綜計為方里者二千一百七十萬

有七百二十地面之廣約占南洲七分之三明孝宗宏治十

三年葡萄牙人探得其地徙國人墾闢之旋為荷蘭所奪占

據者幾六十年後葡人逐荷人復有其地生聚二百餘年遂

為海西大部嘉慶間葡王避法難奔巴西旋還國留其子北

德祿王之既而葡國有內亂北德祿復歸葡巴人遂奉其子

北德祿弟二為王政由自主不受葡轄尋稱帝光緒十五年

始改爲民主之制國分三十部

都城曰里約熱內盧

一作來納熱內盧 一作牙匿羅

一作里歐 一作釐俄

特札尼羅

一作力俄札尼羅

一名巴辣希

與首部同名東臨海口

玻利非亞

一作玻里非亞 一作玻里維亞

一作玻利未亞 一作波里非阿

一作玻里委亞 一作波利斐

亞 一作波力斐噯 一名高祕魯

一作摩里威那 一名高北盧

一作破利威 一

緯線自赤道南九度起至二十四度止經線自京師偏東百

七十三度五十分起至八十六度二十五分止北與東界巴

西南界拉巴拉他及巴拉圭西界祕魯西南有地斜削越安

達斯大山錯界祕魯智利二國之間直抵太平洋南北距三

千里東西距廣處二千五百里狹處約七百里綜計爲方里

海國輿地釋名

卷三

天

者三百三十萬有三千一百舊本與祕魯爲一國故有高祕

魯之稱道光五年叛西班牙別立爲民主之國地分六部

都城曰朱基薩加

一作朱基沙加 一作朱規薩加

一作楚啟薩喀 一名蘇克

列 一名蘇革雷

一名乍爾加斯

一名加申

與首部同名

祕魯

一作庇魯

一作字魯

一作比魯

一作丕魯

一作北盧 一作白路 一作字路 一作字露 一作白露 一作北路

緯線自赤道南三度起至二十度止經線自京師偏東百六

十三度二十五分起至百七十六度五分止北界厄瓜多南

界玻利非亞東界巴西及玻利非亞西及西南抵太平洋地

形上廣而下銳南北距三千四百里東西距廣處二千里

南甦削至南界盡處不過三百里綜計爲方里者三百五十
一萬九千三百其地自古爲土番部落明時西班牙旣得哥
倫比亞聞祕魯產金銀遂移兵來攻以巨礮擊其都城破之
國人皆竄匿西班牙人據其地設官駐守之嘉慶十五年西
班牙困於法外藩多叛祕魯人亦乘機煽亂戰爭幾十年道
光元年西班牙有內亂罷討祕魯兵祕魯遂自立國定制爲
民主國分七部

都城曰利馬 一作利瑪 一作里馬 一作力麻

與首部同名西臨海

智利 一作智理 一作治利 一作濟利 一作支利 一作智勒

緯線自赤道南二十四度起至四十一度三十分止經線自

海國輿地釋名 卷三 三

京師偏東百七十一度起至百七十三度四十五分止北界
玻利非亞南界巴他窠拿東界拉巴拉巴西及西南抵太平
洋南北距三千五百里東西距四百里綜計爲方里者百二
十一萬六千八百二十九舊屬西班牙嘉慶十五年西班牙
衰亂南洲各國皆叛智利亦閉境自專度力不支求援於拉
巴拉他遂立爲民主之國光緒五年與祕魯構兵連戰皆捷
乘勝進逼其都城祕首領出奔七年祕人乞和割答拉巴加
地以講並償兵費銀二十兆圓國分八部

都城曰散地牙窠 一作三的牙痂 一作散提牙果 一作亞的亞麻 一作散提阿果 一作散第

與首部同名建於高原深林之中

拉巴拉他

一作拉巴他

一作孛臘達

一作拉八他

一作拉潑拉大

一作

作拉不拉塔

一作伯拉達

一名阿爾仁的納

一名哀

欽梯乃

一名亞勒桑丁

一名阿根庭

一名阿真田

一名亞真田

一名阿真坦

一名阿冉丁

一名阿根第

那 一名巴拉大河國

一名銀國

一名由乃的科拉文

士土

緯線自赤道南二十度起至四十度止經線自京師偏東百

七十三度十分起至百九十一度十分止北界玻利非亞南

界巴他峩拿東界巴拉圭巴西烏拉圭東南抵大西洋西阻

安達斯大山與智利為鄰南北距四千里東西距廣處三千

二百里狹處一二千里綜計為方里者五百有十萬五千六

百舊為野番部落明時西班牙人據之設兵帥守其地嘉慶

十三年部人逐守者自立為國效美利堅之制推立大首領

海國輿地釋名

卷三

三

兼攝各部凡為部十四

都城曰不宜諾塞利

一作不宜塞利

一作布宜諾塞利

一作皮湖那司愛爾斯

一作卜諾塞力士

一作佈赫

與首部同名建臨拉巴拉他河入海處

巴拉圭

一作巴拉乖

一作帕拉崩

一作巴拉來崩 一作巴拉吾愛 一作

緯線自赤道南二十二度二十分起至二十七度二十分止

經線自京師偏東百八十五度二十分起至八十八度三十

分止東北及東境與巴西牙錯西北界玻利非亞西南二面

皆包入拉巴拉他界內南北距千餘里東西距六百里綜計

為方里者三十九萬九千六百二十明世宗嘉靖五年意大

利人得此土開墾日廣十四年西班牙人奪而據之以天主

教師領其地乾隆三十二年土人逐教師屬於拉巴拉他迫
拉巴拉他叛遂亦自立爲民主國同治四年與巴西構怨巴
西連拉巴拉他烏拉圭二國之兵來攻鏖戰五年巴拉圭大
敗削去疆土幾半

都城曰阿松桑 一作阿松筍 一作亞松西雲 一作唵松
西翁 一作阿孫西恩 一作亞孫翁

與首部同名建臨巴拉圭河東岸

烏拉圭 一作烏拉乖 一作烏拉怪 一作烏魯圭 一作烏
魯拐 一作烏路危 一作伍魯夸愛 一名昔斯巴
拉的那

緯線自赤道南三十度起至三十五度五分止經線自京師
偏東百八十五度三十分起至百九十四度四十分止北界
巴西東與南環大西洋西界拉巴拉他南北距約千里東西

海國輿地釋名 卷三

距千八百餘里綜計爲方里者六十五萬二千三百舊本拉
巴拉他地後爲巴西所奪道光六年部人叛巴西自立爲民
主之國地分九部

都城曰蒙德維罷 一作蒙德維的 一作蒙特維的俄 一
作文他威多 一作門德斐丟 一作麥
得肥地亞 一作斐台斐氏俄

與首部同名南臨海口

巴他峩拿 一作巴他峩尼 一作巴羅彌那 一作巴達科尼
一作伯大加尼 一作巴塔貢尼阿 一作帕塔
果尼阿 一作巴達哥尼亞 一作八的哥尼阿 一作奧
律高尼亞 一作奧律戈尼亞 一作潑退固尼阿 一名
智加 一名長人國

緯線自赤道南三十九度起至五十三度止經線自京師偏
東百七十二度起至八十二度止北界拉巴拉他及智利南

抵麥哲論海峽東抵大西洋西抵太平洋南北距二千八百
里東西距二千里人皆野番散處不成部落肢體長大如常
人一身有半在安達斯大山東境者屬於拉巴拉他約爲方
里者二百萬在山之西境者屬於智利約爲方里者八十四
萬

海國輿地釋名

卷三

三

